




Iha akiuza akiamba, “M’am’a! M’am’a!
M’am’a! nasikira vuuu, vuu, vuu. Ikale ni gari
idzagwirwa ni th’orove?”





“Simanya mwanangu, lakini kudzanya vula ni kwenda ikakala ni gari idzagwirwa ni th’orove.”





“Nenda nikalole mino m’am’a na musenangu
Masha. Kische hundauya.”





“Masha hinde hukalole kala ni gari idzagwirwa
huisukume imbole konze.”





Iha akiamba, “Unamanya ni vidzo kusaidhiya a’tu. At’u mandahuhendza.”





Masha akiamba, “Ni jeri musenangu hatha mimi nahendza kusaidhiya, hinde malo.”





“Aaah! kumbe ni gari bewe. thiirya harya.
lakini ii barabara ni mbiimbii sana inathorove
sana.” Iha akiamba.





“P’ore dereva,udzakala haha kwa muda wani?
pore hudzire hukusukume.” Iha akiamba.





Iye dereva akiamba, “Haya na muvera ngojani ningire kuryahu kwenye usukani niipige moho gonya munisukume.”





“karakara, Masha nahuisukume mara mwenga
ii. namanya andasikira raha.” Iha akiamba.





“Hahahaaaaa be naswi hundauya achafu seze fukenda fagwa mudzini. kisha amba unamumanya m’am’a we.” Masha akiamba.





Masha akiamba, “Usijali mba hudzambulaga, andaelewa nawe. Haya nahusukume. H’ee, h’ee, h’ee indzambola. Hudzamusaidhiya ye dhereva.”

